

Na osnovu člana 16. stav 2. Zakona o Vladi Zeničko-dobojskog kantona – Prečišćen tekst (“Službene novine Zeničko-dobojskog kantona”, broj 7/10) i Programa utroška sredstava planiranih Budžetom Zeničko-dobojskog kantona za 2014. godinu u Ministarstvu za rad, socijalnu politiku i izbjeglice, broj: 02-14-3163-1/14 od 06.02.2014.godine, Vlada Zeničko-dobojskog kantona na 150. sjednici, održanoj 20.02.2014. godine, d o n o s i

ODLUKU

o odobravanju sredstava za javne-humanitarne kuhinje Zeničko-dobojskog kantona

Član 1. (Predmet)

Odobravaju se sredstva u iznosu od 200.000,00 KM (slovima: dvijestotinehiljada konvertibilnih maraka), kao pomoć u radu javnih-humanitarnih kuhinja Zeničko-dobojskog kantona.

Član 2. (Raspored sredstava)

Sredstva iz člana 1. ove odluke odobravaju se u iznosima i na način kako slijedi:

1. MDD Merhamet Zenica	60.000 KM
2. MDD Merhamet Maglaj	40.000 KM
3. Caritas zeničkih župa	25.000 KM
4. Pučka kuhinja Vareš	25.000 KM
5. Narodna kuhinja Zenica	50.000 KM.

Član 3. (Analitička konta)

(1) Sredstva iz člana 1. ove odluke isplatit će se iz Budžeta Zeničko-dobojskog kantona za 2014. godinu (“Službene novine Zeničko-dobojskog kantona”, broj 15/13), razdjel 20, organizacija 01, potrošačka jedinica 0001, ekonomski kod 614200, KAD 207, pozicija «Ostali socijalni transferi».

(2) Odobrena sredstva iz člana 1. ove odluke isplaćivat će se u četiri jednake tranše za I, II, III i IV kvartal 2014. godine, na račune pravnih subjekata iz člana 2. ove odluke, u iznosima kako slijedi:

1. MDD Merhamet Zenica	15.000 KM
2. MDD Merhamet Maglaj	10.000 KM
3. Caritas zeničkih župa	6.250 KM
4. Pučka kuhinja Vareš	6.250 KM
5. Narodna kuhinja Zenica	12.500 KM.

Član 4. (Provođenje odluke)

Zadužuje se Ministarstvo za rad, socijalnu politiku i izbjeglice i Ministarstvo finansija, da realizuju ovu odluku u skladu sa zakonom i podzakonskim aktima svako u okviru svojih nadležnosti i u skladu sa tačkom II Zaključka Vlade Zeničko-dobojskog kantona, broj: 02-14-3163/14 od 06.02.2014.godine.

Član 5.
(Izvještavanje)

Zadužuju se javne-humanitarne kuhinje da podnose Ministarstvu za rad, socijalnu politiku i izbjeglice izvještaj o namjenskom utrošku sredstava iz člana 2. ove odluke.

Član 6.
(Stupanje na snagu)

Odluka stupa na snagu narednog dana od dana objavljivanja u „Službenim novinama Zeničko-dobojskog kantona“, a primjenjivat će se danom donošenja.

Broj: 02-_____ /14.
Datum, 20.02.2014. godine
Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za rad,soc. politiku i izbjeglice,
1x Ministarstvo finansija,
1x Javne-humanitarne kuhinje (putem Ministarstva),
1x „Službenim novinama Zeničko-dobojskog kantona“,
1x a/a.